

**Zeitschrift:** Le nouveau conteur vaudois et romand  
**Band:** 78 (1951)  
**Heft:** 8

**Artikel:** Onna pétechon a clliâo d'Etsallein : (avoué onn' introducchon et traî couplliet : Lo Gros-de-Vaud, Etsallein, lo Taleint) : [suite]  
**Autor:** Goumaz, L.  
**DOI:** <https://doi.org/10.5169/seals-227792>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 05.04.2026

**ETH-Bibliothek Zürich, E-Periodica, <https://www.e-periodica.ch>**

**Onna pétechon a cllião d'Etsallein**

(Avoué onn' introducchon et traî couplliet  
Lo Gros-de-Vaud, Etsallein, lo Taleint.)

(Suite)

Second couplliet :

**Etsallein et son train**

Ora, vaît-cé la capitâle,  
Dâo Gros de Vaud ie l'è l'ètâle ;  
Rein que de dère « Etsallein »  
L'è por fére à bisquâ lè dzein.  
Mâ quien eindrâ : durè z'écoule,  
Lè bouébo pouant reimpliâ lâo boule  
Rein d'étonnant se savant tot !  
Lè dzein sant meilhâo que pertot :  
L'ant doû mothî, duve perrotse,  
Sant bâthiâ su la vilhia rotse,  
L'ant on ministre, on eincourâ,  
Tot por lè fére martsî drâ.  
Ebahî-vo, devant lè porte,  
S'on trôve que dâi coo de sorte !  
Pu, l'ant fé tot ein on iâdzo  
Onna vela et on velâdzo.  
L'è por cein que lâi diant on « bourg »  
Que l'â mimameint doû jaubourg :  
Lâi a Bertsî, lâi a Lozena,  
Eintremî, de yon à l'ena,  
Onnâ tserrâira élétrique.  
La pllie estra dâi mécanique !  
L'è a merveille de clli teimps.  
L'ant batsî Lozena-Etsallein.  
Dein lo teimps l'îre onna « béruette »,  
On ein fasâi onna « vatsette »  
Ora, l'è on esprè fringant,  
Dâo tot novî, dâo fin battant,  
Avoué lè couleu cantonale,  
Que sant de tote lè pie balle :  
Clli train l'è l'orgouet dâo pâi  
Et pas moïan de trovâ mí.  
Le trace et fronne à fére pouâre  
Que l'è por vo bailli la fouâre.  
L'è pas quemet âi z'autre iâdzo :  
Por lâi montâ faut dâo corâdzo :  
Kein à fére s'on a bin sâ,  
S'on a fautâ de s'arretâ :  
Le totse Assein et Camaret,  
Bin lliein de tî lè cabaret,

Et vo z'âi bî lâi criâ : « Harte ! »  
Se l'arrêt n'è pas su la carte  
Enutilo de rouspetâ,  
Le va pllie llein sein accutâ.  
Vo pouède bramâ « Traî déci » !  
Le subllie, et.. via, sein nanî !  
L'è dâo seriâo, l'è dâo moderne,  
Vôo pas passâ por n'a baderne.  
L'è lo novî train d'Etsallein  
Que va tot drâi ver lo Taleint.  
Avoué lî no sein arrevâ  
Permi dâi citoyen d'estra  
L'è z'ant betâ dein clli l'eindrâ  
Yo que sè crâisant lè tserrâire  
Esprès qu'on pouesse tî lè vâire  
Ein travessein tot lo pâi  
Ao bi mâitan de clli distri  
L'ant mèretâ... et pu l'è bon !  
Faut pas que sè trôve quaucon  
Por reclliamâ cin pétechon  
Lo Lion d'Oo et tant d'hoté  
Mimameint lo tsèmin de fé.  
Lo tsatî et lè z'édifice  
Que sant tant bin betâ per ice...  
Lâi a portant à Etsallein  
Oquie à demândâ : lo Taleint.

(A suivre.)

L. Goumaz.

**F. CUENOUD**  
CULLY

Tot por la vegna



Achat de tartre

COMMERCE DE BOIS  
Raboterie

**BELET & Cie**

20-22, Rue des Deux-Marchés

Location d'échafaudages